

謝朓全集

簡 介

謝朓 (464~499),南朝齊詩人。字玄暉。陳郡陽夏(今河南太康)人。高祖據為謝安之兄,父緯,官散騎侍郎。母為宋文帝之女長城公主。謝朓家世既貴,少又好學,為南齊藩王所重。初為太尉豫章王蕭嶷行參軍,遷隨王蕭子隆東中郎府,轉王儉衛軍東閣祭酒,後為隨王鎮西功曹,轉文學。永明九年(491),隨王為荊州刺史,親府州事,謝朓也跟著到了荊州,以文才尤被賞愛。後調還京都,任新安王中軍記室,兼尚書殿中郎,又為驃騎諮議,領記室,掌霸府文筆,又掌中書詔誥。建武二年(495)出為宣

城太守,後遷尚書吏部郎。東昏侯永元元年(499),始安王蕭遙光謀奪帝位,謝朓不預其謀,反遭誣陷,下獄而死。謝朓青年時代即以文學知名,曾參與竟陵王蕭子良西邸的文學活動,是竟陵八友之一。謝朓詩歌創作的的主要成就是發展了山水詩。《隋書·經籍志》有《謝朓集》12卷,《謝朓逸集》1卷,均佚。明人收集遺佚,重為編定,刻本甚多。通行本有《四部叢刊》影明抄本。今人郝立權有《謝宣城詩注》(1936)。

隋王鼓吹曲十首蒲生行詠邯鄲故才人嫁廝養卒婦同沉右率諸公賦鼓吹曲名二首
秋竹曲曲池之水同謝諮議詠銅爵台永明樂十首同王主簿有所思銅雀悲

金谷聚王孫游侍宴華光殿曲水奉勅為皇太子作詩三日侍華光殿曲水宴代人應詔
詩三日侍宴曲水代人應詔詩游山詩遊敬亭山詩將游湘水尋句溪詩游東田詩答王
世子詩

答張齊興詩暫使下者夜發新林至京邑山西府同僚詩酬王晉安德元詩郡內高齋閑
望答呂法曹詩在郡臥病呈沈尚書詩別王丞僧孺詩同羈夜集詩新亭渚別範零陵雲
詩忝役湘州與宣城吏民別詩懷故人詩

始之宣城郡詩之宣城郡出新林浦向板橋詩休沐重還丹陽道中詩京路夜發詩晚登
三山還望京邑詩始出尚書省詩直中書省詩觀朝雨詩宣城郡內登望詩冬日晚郡事
隙詩

高齋謁事詩冬緒羈懷示蕭諮議虞田曹劉江二常侍詩落日悵望詩賽敬亭山廟喜雨
詩賦貧民田詩移病還園示親屬詩秋夜講解詩春思詩秋夜詩

詠風詩詠竹詩詠落梅詩詠牆北梔子詩奉和竟陵王同沉右率過劉先生墓詩和何議

曹郊遊詩二首和劉西曹望海台詩和宋記室省中詩和王著作融八公山詩和伏武昌登孫權故城詩

夏始和劉潺陵詩新治北窗和何從事詩和王主簿季哲怨情詩和徐都曹出新亭渚詩和劉中書繪人琵琶峽望積布磯詩和蕭中庶直石頭詩和王長史臥病詩和江丞北戌琅邪城詩和沈祭酒行園詩奉和隨王殿下詩十六首

和紀參軍服散得益詩和王中丞聞琴詩贈王主簿詩二首和別沉右率諸君詩離夜詩將發石頭上烽火樓詩望三湖詩送江水曹還遠館詩臨溪送別詩後齋回望詩

與江水曹至幹濱戲詩祀敬亭山廟詩出下館詩落日同何儀曹煦詩夜聽妓詩二首詠薔薇詩送江兵曹檀主簿朱孝廉還上國詩詠蒲詩詠兔絲詩遊東堂詠桐詩

雜詠三首同詠樂器·琴同詠坐上玩器·烏皮隱幾同詠坐上所見一物·席詠竹火籠詠鸚鵡至尋陽詩詩阻雪連句遙贈和還塗臨渚

紀功曹中園閑坐侍筵西堂落日望鄉往敬亭路中祀敬亭山春雨齊雩祭歌八首

元會曲

二儀啟昌曆。三陽應慶期。珪贄紛成序。鞞譯憬來思。分階絕組練。充庭羅翠旗。觴流白日下。吹溢景雲滋。天儀穆藻殿。萬一禹壽皇基。

郊祀曲

六宗禋配嶽。五峙奠甘泉。整蹕游九闕。清簫開八埏。鏘鏘玉鑾動。溶溶金障旋。郊宮光已屬。升柴禮既虔。福響靈之集。南嶽固斯年。

鈞天曲

高宴顛天臺。置酒迎風觀。笙鏞禮百神。鐘石動雲漢。瑤堂琴瑟驚。綺席舞衣散。威鳳來參差。玄鶴起凌亂。已慶明庭樂。詎慚南風彈。

入朝曲

江南佳麗地。金陵帝王州。逶迤帶綠水。迢遞起朱樓。飛甍夾馳道。垂楊蔭禦溝。凝笳翼高蓋。疊鼓送華輶。獻納雲台表。功名良可收。

出藩曲

雲枝紫微內。分組承明阿。飛艎溯極浦。旌節去關河。眇眇蒼山色。沉沉寒水波。鏘音巴渝曲。簫鼓盛唐歌。夫君邁惟德。江漢仰清和。

校獵曲

凝霜冬十月。殺盛涼颯衰。原澤曠千里。騰騎紛往來。平置望煙合。
烈火從風回。殪獸華容浦。張樂荊山台。虞人昔有論。明明提戒哉。

從戎曲

選旅辭轅轅。弭節赴河源。日起霜戈照。風回連騎翻。紅塵朝夜合。
黃沙萬里昏。寥戾清笳轉。蕭條邊馬煩。自勉輟耕願。征役去何言。

送遠曲

北梁辭歡宴。南浦送佳人。方衢控龍馬。平路騁朱輪。瓊筵妙舞絕。
桂席羽觴陳。白雲丘陵遠。山川時未因。一為清吹激。潺湲傷別巾。

登山曲

天明開秀山。闕光媚碧堤。風蕩飄鶯亂。雲行芳樹低。暮春春服美。
游駕凌丹梯。升嶠既小魯。登巒且悵齊。王孫尚游衍。蕙草正萋萋。

泛水曲

玉露沾翠葉。金鳳鳴素枝。罷游平樂苑。泛鷁昆明池。旌旗散容裔。
簫管吹參差。日晚厭遵渚。采菱贈清漪。百年如流水。寸心寧共知。

江上曲

易陽春草出。踟躕日已暮。蓮葉尚田田。淇水不可渡。願子淹桂舟。
時同千里路。千里既相許。桂舟複容與。江上可采菱。清歌共南楚。

蒲生行

蒲生廣湖邊。托身洪波側。春露惠我澤。秋霜縛我色。根葉從風浪。
常恐不永植。攝生各有命。豈雲智與力。安得遊雲上。與爾同羽翼。

詠邯鄲故才人嫁廝養卒婦

生平宮閣裏。出入侍丹墀。開筍方羅縠。窺鏡比蛾眉。初別意未解。
去久日生悲。憔悴不自識。嬌羞餘故姿。夢中忽髣髴。猶言承燕私。

同沉右率諸公賦鼓吹曲名二首

芳樹

早翫華池陰。複影滄洲柹。椅柅芳若斯。葳蕤紛可結。
霜下桂枝銷。怨與飛蓬折。不廁玉盤滋。誰憐終委絕。

臨高臺

千里常思歸。登臺臨綺翼。纔見孤鳥還。未辨連山極。
四面動清風。朝夜起寒色。誰知倦遊者。嗟此故鄉憶。

秋竹曲

女便娟綺窗北。結根未參差。從風既嫋嫋。映日頗離離。
欲求棗下吹。別有江南枝。但能凌白雪。貞心蔭曲池。

曲池之水

緩步遵莓渚。披衿待蕙風。芙蓉舞輕帶。苞筍出芳叢。
浮雲自西北。江海思無窮。鳥去能傳響。見我綠琴中。

同謝諮議詠銅爵台

總幃飄井幹。樽酒若平生。鬱鬱西陵樹。詎聞歌吹聲。
芳襟染淚跡。嬋娟空複情。玉座猶寂寞。況乃妾身輕。

永明樂十首

一

帝圖開九有。皇風浮四溟。永明一為樂。咸池無復靈。

二

民和禮樂富。世清歌頌徽。鴻名軼卷領。稱首邁垂衣。

三

朱台鬱相望。青槐紛馳道。秋雲湛甘露。春風散芝草。

四

龍樓日月照。溜館風雲清。儲光溫似玉。藩度式如瓊。

五

化洽鯢海君。恩變龍庭長。西北驚環裘。東南盡龜象。

六

出車長洲苑。選族朝夕川。絡絡結雲騎。奕奕泛戈船。

七

燕駟遊京洛。趙服麗有輝。清歌留上客。妙舞送將歸。

八

實相薄五禮。妙花開六塵。明祥已玉燭。寶瑞亦金輪。

九

生蔑艸/阡蘿性。身與嘉惠隆。飛纓入華殿。屣步出重宮。

十

彩鳳鳴朝陽。玄鶴舞清商。瑞此永明曲。千載為金皇。

同王主簿有所思

佳期期未歸。望望下鳴機。徘徊東陌上。月出行人稀。

銅雀悲

落日高城上。餘光入總帷。寂寂深松晚。寧知琴瑟悲。
渠盃送佳人。玉杯邀上客。車馬一東西。別後思今夕。

王孫游

綠草蔓如絲。雜樹紅英發。無論君不歸。君歸芳已歇。
侍宴華光殿曲水奉勅為皇太子作詩

一

旁求邃古逖聽鴻名。大寶曰位。得一為貞。朱袞葉祉。綠字摘英。升配同貫。進讓殊聲。

二

大橫將屬。會昌已命。國步中徂。宸居膺慶。璽劍先傳。龜玉增映。宗堯有緒。複禹無競。

三

禮行郊社。人神受職。寶效山川。鱗羽變色。玄塞北靡。丹徼南極。浮氐駕風。非泳非陟。

四

能官民秀。利建天跗。枵鶉列野。營絳分區。論思帝則。獻納宸樞。麟趾方定。鵝翼誰濡。

五

西京藹藹。東都濟濟。秋袂濯流。春禊浮醴。初吉雲獻。上除方啟。昔駕陽穎。今帳雲陸。

六

嘉樂舊矣。芳宴在斯。載留神矚。有睟天儀。龍精已映。威仰未移。葉依黃鳥。花落春池。

七

高殿弘敞。禁林稠密。青磴崛起。丹樓間出。翠葆隨風。金戈動日。惆悵清管。徘徊輕佻。

八

灞滻入筵。河淇流昨。海若來往。觴肴彳公泝。歡飫有終。清光欲暮。輕貂回首。華組徐步。

九

登賢博望。獻賦清漳。漢貳稱敏。魏兩垂芳。監撫有則。匕鬯無方。瞻言守器。永愧元良。

三日侍華光殿曲水宴代人應詔詩

一

羣分未辨。類聚茲式。天睠休明。且求至德。禦繁實簡。制動惟默。官府百王。衣裳萬國。

二

中葉遭閔。副內多違。悠悠靈貺。爰有適歸。於昭睿後。撫運天飛。凝居中縣。神動外畿。

三

懸象著明。離光乃位。我有儲德。徽猷淵備。長壽察書。龍樓回轡。重道上庠。行遵儒肆。

四

朝陽有幹。布葉萋萋。思皇威矣。鵷羽高棲。出馳先輅。入秉介珪。瞻秦望井。建魯分奎。

五

求賢每勞。得士方逸。有覺斯順。無文鹹秩。萬箱惟重。百鍤載恤。屈草戒諛。階奠紀日。

六

文教已肅。武節即馳。榮光可照。合璧如規。載懷姑射。尚想瑤池。濯龍乃飾。天淵在斯。

七

作樂順動。實府時義。上春初吉。亦留淵寄。紅樹岩舒。青莎水被。雕梁虹拖。雲薨鳥跂。

八

高懸甲帳。周褰黼帷。長筵列陸。激水旋墀。浮醪聚蟻。靈蔡呈姿。河宗躍踢。海介夔跬。

九

羽腕纖腰。遷延妙舞。秦箏趙瑟。殷勤促柱。降席連綏。稱觴接武。稽首萬年。獻茲多祜。

十

天地既成。泉流既清。薄暮沾幸。屬奉文明。將標齊配。刻掃秦京。願馳龍漠。飲馬懸旌。

三日侍宴曲水代人應詔詩

一

神理內寂。機象外融。遺情汾水。垂冕鴻宮。樹以司牧。匪我求蒙。徒勤日用。誰契玄功。

二

往晦必明。來碩資蹇。於皇克聖。時乘禦辨。寶曆載暉。瑤光重踐。昭昭舊物。熙熙遷善。

三

當寧日昃。求衣未明。抵璧焚翠。銷劍隳城。九疇式序。三辟載清。虞箴罔闕。蒙奏傳聲。

四

麗景則春。儀方在震。重聖積厚。金式瓊潤。天爵必諧。王臣鹹蓋。譬諸華霍。惟邦之鎮。

五

正朔蔥瀚。冠冕印越。爭長明堂。相超魏闕。龜蒙南薦。環裘西發。巢閣易窺。馴庭難羽戩。

六

上巳惟昔。於彼襍流。袂穢河滸。張樂春疇。既停罷駕。亦泛鳧舟。靈宮備矣。無待茲遊。

七

初鶯命曉。朝霞開夜。飾陞道源。回伊流灞。極望天涯。曲阻亭榭。閑館岩敞。長廊水架。

八

金觴搖盪。玉俎推移。筵浮水豹。席擾雲螭。寥亮琴瑟。嗷咷埴篴。歡茲廣燕。穆穆天儀。

九

周道如砥。康衢載直。徒愧玄黃。負恩無力。華幡徒駕。長纓未飾。相彼失晨。寧忘鼓翼。

遊山詩

托養因支離。乘閑遂疲蹇。語默良未尋。得喪雲誰辯。幸蒞山水都。複值清冬緬。凌厓必千仞。尋溪將萬轉。堅嶠既峻嶒。回流復宛澶。杳杳雲竇深。淵淵石溜淺。傍眺鬱策筍。還望森栝楸。荒隩被葳莎。崩壁帶苔蘚。鼯狖叫層巖。鷗鳧戲沙衍。觸賞聊自觀。即趣咸已展。經目惜所遇。前路欣方踐。無言蕙草歇。留垣芳可攀。尚子時未歸。邴生悲自免。永志昔所欽。勝跡今能選。寄言賞心客。得性良為善。

遊敬亭山詩

茲山互百里。合選與雲齊。隱淪既已托。靈異居然棲。上幹蔽白日。下屬帶回溪。交藤荒且蔓。樛枝聳複低。獨鶴方朝唳。饑鼯此夜啼。滌雲已漫漫。夕雨亦淒淒。我行雖紆組。兼得尋幽蹊。緣源殊未格。歸徑窅如迷。

要欲追奇趣。即此陵丹梯。皇恩竟已矣。茲理庶無睨。

將游湘水尋句溪詩

既從陵陽釣。掛鱗驂亦螭。方尋桂水源。謁帝蒼山空。
辰哉且未會。乘景弄清漪。瑟汨瀉長澗。潺湲赴兩岐。
輕蘋上靡靡。雜石下離離。寒草分花映。戲鮪乘空移。
興以暮秋月。清霜落素枝。魚鳥余方翫。纓綏君自縻。
及茲暢懷抱。山川長若斯。

游東田詩

戚戚苦無悰。攜手共行樂。尋雲陟累榭。隨山望菌閣。遠樹曖阡阡。
生煙紛漠漠。魚戲新荷動。鳥散餘花落。不對芳春酒。還望青山郭。

答王世子詩

飛雪天山來。飄聚繩櫺外。蒼雲暗九重。北風吹萬籟。
有酒招親冊。思與清顏會。熊席惟爾安。羔裘豈吾帶。
公子不垂堂。誰肯憐蕭艾。荆山從百里。漢廣流無極。
北馳星斗正。南望朝雲色。川隰同幽快。冠冕異今昔。
子肅兩岐功。我滯三冬職。誰知京洛念。彷彿昆山側。
向夕登城濠。潛池隱複直。地迴聞遙蟬。天長望歸翼。
清文忽景麗。思泉紛寶飾。勿言修路阻。勉子康衢力。
曾厓寂且寥。歸軫逝言陟。

暫使下者夜發新林至京邑山西府同僚詩

大江流日夜。客心悲未央。徒念關山近。終知返路長。
秋河曙耿耿。寒渚夜蒼蒼。引領見京室。宮雉正相望。
金波麗鳩鵲。玉繩低建章。驅車鼎門外。思見昭丘陽。
馳暉不可接。何況隔兩鄉。風雲有鳥路。江漢限無梁。
常恐鷹隼擊。時菊委嚴霜。寄言尉羅者。寥廓已高翔。

酬王晉安德元詩

稍稍枝早勁。塗塗露晚晞。南中榮橘柚。寧知鴻鴈飛。拂霧朝青閣。日旰坐彤闈。
悵望一途阻。參差百慮依。春草秋更綠。鴿子未西歸。誰能久京洛。緇塵染素衣。

郡內高齋閑望答呂法曹詩

結構何迢遞。曠望極高深。窗中列遠岫。庭際俯喬林。
日出眾鳥散。山暝孤猿吟。已有池上酌。
複此風中琴。非君美無度。孰為勞寸心。惠而能好我。

問以瑤華音。若遺金門步。見就玉山岑。

在郡臥病呈沈尚書詩

淮揚股肱守。高臥猶在茲。況復南山曲。何異幽棲時。
連陰盛農節。簞笠聚東菑。高閣常晝掩。荒階少諍辭。
珍簟清夏室。輕扇動涼颼。嘉魴聊可薦。綠蟻方獨持。
夏李沈朱實。秋藕折輕絲。良辰竟何許。夙昔夢佳期。
坐嘯徒可積。為邦歲已朞。弦歌終莫取。撫機令自嗤。

別王丞僧孺詩

首夏實清和。余春滿郊甸。花樹雜為錦。月池皎如練。如何當此時。
別離言與宴。留雜已鬱紆。行舟亦遙衍。非君不見思。所悲思不見。

同羈夜集詩

積念隔炎涼。驪言始今夕。已對濁尊酒。復歧故鄉客。霜月始流砌。寒蛩早吟隙。
幸藉京華遊。邊城燕良席。樵采鹹共同。荊莎聊可藉。恐君城闕人。安能久松柏。

新亭渚別範零陵雲詩

洞庭張樂地。瀟湘帝子遊。雲去蒼梧野。水還江漢流。停驂我悵望。
輟棹子夷猶。廣平聽方籍。茂陵將見求。心事俱已矣。江上徒離憂。

忝役湘州與宣城吏民別詩

羽齡倦簪履。薄晚忝華輿。閑沃盡地區。山泉諧所好。
幸遇昌化穆。惇俗罕驚暴。四時從偃息。三省無侵冒。
下車遽暄席。紆服始黔灶。榮辱未遑敷。德禮何由導。
汨徂奉南嶽。兼秩典邦號。疲馬方雲驅。鉛刀安可操。
遺惠良寂寞。恩靈亦匪報。桂水日悠悠。結言幸相勞。
吐納貽爾和。窮通勸所蹈。

懷故人詩

芳洲有杜若。可以贈佳期。望望忽超遠。何由見所思。
行行未千里。山川已間之。離居方歲月。故人不在茲。
清風動簾夜。孤月照窗時。安得同攜手。酌酒賦新詩。
下帷闕章句。高談媿名理。疏散謝公卿。蕭條依掾吏。
簪發逢嘉惠。教義承君子。心跡苦未并。憂歡將十祀。
幸沾雲雨慶。方轡參多士。振鷺徒追飛。羣龍難隸齒。
烹鮮止貪兢。共治屬廉恥。伊餘味損益。何用祇千里。
解劍北宮期。息駕南川涘。甯希廣平詠。聊慕華陰市。

棄置宛洛遊。多謝金門裏。招招漾輕楫。行行趨岩趾。江海雖未從。山林於此始。

之宣城郡出新林浦向板橋詩

江路西南永。歸流東北驚。天際識歸舟。雲中辯江樹。旅思倦搖搖。孤遊昔已屢。既歡懷祿情。復協滄洲趣。囂塵自茲隔。賞心於此遇。雖無玄豹姿。終隱南山霧。

休沐重還丹陽道中詩

薄遊第從告。思閑願罷歸。還叩歌賦似。休汝車騎非。灞池不可別。伊川難重違。汀葭稍靡靡。江蓼復依依。田鴟遠相叫。沙鷁忽爭飛。雲端楚山見。林表吳岫微。試與征徒望。鄉淚盡沾衣。賴此盈樽酌。含景望芳菲。同我勞何事。沾沐仰青徽。志狹輕軒冕。恩甚戀閨闈。歲華春有酒。初服偃郊扉。

京路夜發詩

擾擾整夜裝。肅肅戒徂兩。曉星正寥落。晨光復泱泱。猶沾餘露團。稍見朝霞上。故鄉邈已覓。山川修且廣。文奏方盈前。懷人去心賞。敕躬每局踖。瞻恩惟震盪。行矣倦路長。無由稅歸鞅。

晚登三山還望京邑詩

灞浹望長安。河陽視京縣。白日麗飛甍。參差皆可見。余霞散成綺。澄江靜如練。喧鳥覆春洲。雜英滿芳甸。去矣方滯淫。懷哉罷歡宴。佳期恨何許。淚下如流霰。有情知望鄉。誰能鬢不變。

始出尚書省詩

惟昔逢休明。十載朝雲陛。既通金閨籍。復酌瓊筵醴。宸景厭昭臨。昏風淪繼體。紛虹亂朝日。濁河穢清濟。防口猶寬政。餐茶更如薺。英袞暢人謀。文明固天啟。青精翼紫車。黃旗映朱邸。還覩司隸章。復見東都禮。中區鹹已泰。輕生諒昭灑。趨事辭宮闕。載筆陪旌棨。邑裏向疏蕪。寒流自清泚。衰柳尚沉沉。凝露方泥泥。零落悲友朋。歡娛燕兄弟。既秉丹石心。寧流素絲涕。因此得蕭散。垂竿深澗底。

直中書省詩

紫殿肅陰陰。彤庭赫弘敞。風動萬年枝。日華承露掌。玲瓏結綺錢。深沈映朱網。紅藥當階翻。蒼苔依砌上。

茲言翔鳳池。鳴佩多清響。信美非吾室。中園思偃仰。
冊情以郁陶。春物方駘。安得凌風翰。聊恣山泉賞。

觀朝雨詩

朔風吹飛雨。蕭條江上來。既灑百常觀。復集九成台。
空蒙如薄霧。散漫似輕埃。平明振衣坐。重門猶未開。
耳目暫無擾。懷古信悠哉。戢翼希驥首。乘流畏曝鯉。
動息無兼遂。歧路多徘徊。方同戰勝者。去翦北山萊。

宣城郡內登望詩

借問下車日。匪直望舒圓。寒城一以眺。平楚正蒼然。
山積陵陽阻。溪流春穀泉。威紆距遙甸。嶠岳帶遠天。
切切陰風暮。桑柘起寒煙。悵望心已極。惝怳魂屢遷。
結髮倦為旅。平生早事邊。誰規鼎食盛。甯要狐白鮮。
方棄汝南諾。言稅遼東田。

冬日晚郡事隙詩

案牘時閒暇。偶來觀卉本。颯颯滿池荷。翛翛蔭窗竹。
簷隙自周流。房櫳閑且肅。蒼翠望寒山。崢嶸瞰平罷。
已惕慕歸心。復傷千里目。風霜旦夕甚。蕙草無芬馥。
雲誰美笙簧。孰是厭邁軸。願言稅逸駕。臨潭餌秋菊。
余雪映青山。寒霧開白日。曖曖江村見。離離海樹出。
披衣就清盥。憑軒方秉筆。列俎歸單味。連駕止容膝。
空為大國憂。紛詭諒非一。安得掃蓬徑。鎖吾愁與疾。

冬緒羈懷示蕭諮議虞田曹劉江二常侍詩

去國懷丘園。入遠滯城闕。寒燈耿宵夢。清鏡悲曉發。
風草不留霜。冰池共如月。寂寞此閑帷。琴尊任所對。
客念坐嬋媛。年華稍庵蔓。夙慕雲澤遊。共奉荆台績。
一聽春鶯喧。再視秋虹沒。疲驂良易返。恩波不可越。
誰慕臨淄鼎。常希茂陵渴。依隱幸自從。求心果蕪昧。
方軫歸與願。故山芝未歇。

落日悵望詩

昧旦多紛喧。日晏未遑舍。落日余清陰。高枕東窗下。
寒槐漸如束。秋菊行當把。借問此何時。涼風懷朔馬。
已傷慕歸客。復思離居者。情嗜幸非多。案牘偏為寡。
既乏琅琊政。方憇洛陽社。

賽敬亭山廟喜雨詩

夕帳懷椒糶。蠲景潔營薌。登秋雖未獻。望歲佇年祥。

潭淵深可厲。狹邪車未方。朦朧度絕限。出沒見林袖。
秉玉朝羣帝。樽酒迎東皇。排雲接虬蓋。蔽日下霓裳。
會舞紛瑤席。安歌遶鳳梁。百味芬綺帳。四座沾羽觴。
福被延民澤。樂極思故鄉。登山騁歸望。原雨晦茫茫。胡寧味千里。解佩拂山莊。

賦貧民田詩

假遇非將迎。靖共延殊慶。中歲曆三台。旬月典邦政。
曾是共治情。敢忘恤貧病。將無富教禮。孰有知方性。
敦本抑工商。均業省兼井。察壤見泉脈。覘星視農正。
黍稷緣高殖。穉稼即卑盛。舊埽新塍分。青苗泉水映。
遙樹匝清陰。連山周遠淨。即此風雲佳。孤觴聊可命。
既微三載道。庶藉兩歧詠。俾爾倉廩實。余從谷口鄭。

移病還園示親屬詩

疲策倦人世。斂性就幽蓬。停琴佇涼月。滅燭聽歸鴻。
涼熏乘暮晰。秋華臨夜空。葉低知露密。崖斷識雲重。
折荷葺寒袂。開鏡眇衰容。海暮騰清氣。河關秘棲沖。
煙衡時未歇。芝蘭去相從。

秋夜講解詩

四緣去誰肇。七識習未央。沉沉倒營魄。苦蔭蹙愁腸。
琴瑟徒爛熳。姱容空滿堂。春顏遽幾日。秋壘終茫茫。
孰雲濟沉溺。假願托津梁。惠唱摛泉湧。妙演發金相。
空有定無執。賓實固相忘。自來乘首夏。及此申暮霜。
雲物清晨景。衣巾引夕涼。風振蕉蓬裂。霜下梧楸傷。
六龍且無借。三相寧久長。何時接靈應。及子同舟航。

春思詩

茹溪發春水。阡山起朝日。蘭色望已同。萍際轉如一。巢燕聲上下。黃鳥弄儔匹。
邊郊阻遊行。故人盈契闊。夢寐借假簧。思歸賴倚瑟。幽念漸郁陶。山楹永為室。

秋夜詩

秋夜促織鳴。南鄰擣衣急。思君隔九重。夜夜空佇立。北窓輕幔垂。西戶月光入。
何知白露下。坐視階前濕。

誰能長分居。秋盡冬復及。詠風詩徘徊發紅萼。葳蕤動綠葳。垂楊低複舉。新萍合且離。步簷行袖靡。

當戶思襟披。高響飄歌吹。相思子未知。時拂孤鸞鏡。星鬢視參差。

詠竹詩

窗前一叢竹。青翠獨言奇。南條交北葉。新筍雜故枝。月光疎已密。風來起復垂。青扈飛不礙。黃口得相窺。但恨從風擢。根株長別離。

詠落梅詩

新葉初冉冉。初蕊新霏霏。逢君後園燕。相隨巧笑歸。親勞君玉指。摘以贈南威。用持插雲髻。翡翠比光輝。日暮長零落。君恩不可追。

詠牆北梔子詩

有美當階樹。霜露未能移。金蕢發朱采。映日以離離。幸賴夕陽下。余景及西枝。還思照綠水。君階無曲池。余榮未能已。晚實猶見奇。復留傾筐德。君恩信未貲。

奉和竟陵王同沉右率過劉先生墓詩

嘉樹因枝條。琢玉良可寶。若人陵曲台。垂帷茂淵道。善誘宗學原。鳴鐘霽幽抱。仁焉徂宛洛。清徽夜何早。歲晚結松陰。平原亂秋草。不有至言揚。終滯西山老。

和何議曹郊遊詩二首

一

春心澹容與。挾弋步中林。朝光映紅萼。微風吹好音。江垂得清賞。山際果幽尋。未嘗遠離別。知此愜歸心。流沂終靡已。嗟行方至今。

二

江皋倦遊客。薄暮懷歸者。揚舲浮大川。惆悵至日下。蠶靡青莎被。潺湲石溜瀉。寄語持笙簧。舒憂願自假。歸途豈難涉。翻同江上夏。

和劉西曹望海台詩

滄波不可望。望極與天平。往往孤山映。處處春雲生。差池遠雁沒。颯遯羣鳧驚。囂塵及簿領。棄舍出重城。臨川徒可羨。結網庶時營。

和宋記室省中詩

落日飛鳥還。憂來不可極。竹樹澄遠陰。雲霞成異色。懷歸欲乘電。瞻言思解翼。清揚婉禁居。秘此文墨職。無歎阻琴尊。相從伊水側。

和王著作融八公山詩

二別阻漢坻。雙嶠望河澳。茲嶺復嶢峴。分區奠淮服。

東限琅琊。西距孟諸陸。阡眠起雜樹。檀欒蔭修竹。
日隱澗疑空。雲聚岫如複。出沒眺樓雉。遠近送春日。
戎州昔亂華。素景淪伊穀。阨危賴宗袞。微管寄明牧。
長蛇固能翦。奔鯨自此曝。道峻芳塵流。業遙年運倏。
平生仰令圖。籲嗟命不淑。浩蕩別親知。連翩戒征軸。
再遠館娃宮。兩去河陽穀。風煙四時犯。霜雨朝夜沐。春秀良已凋。秋場庶能築。

和伏武昌登孫權故城詩

炎靈遺劍璽。當塗駭龍戰。聖期缺中壤。霸功興一禹縣。鵠起登吳台。鳳翔陵楚甸。衿帶窮岩險。

帷帟盡謀選。北拒溺驂鑣。西龕收組練。江海既無波。
俯仰流英盼。裘冕類禋郊。荀揆崇離殿。釣台臨講閱。
樊山開廣燕。文物共葳蕤。聲明且蔥蒨。三光厭分景。
書軌欲同薦。參差世祀忽。寂寞市朝變。舞館識餘基。
歌梁想遺囀。故林衰木平。荒池秋草徧。雄圖悵若茲。
茂宰深遐睠。幽客滯江皋。從賞乖纓弁。清卮阻獻酬。
良書限聞見。幸藉芳音多。承風采餘綯。於役倘有期。鄂渚同遊行。

威仰弛蒼郊。龍曜表遙甸。炎光麗近邑。白蘋望已騁。
緗荷紛可襲。徒願尺波旋。終憐寸景戢。對窗斜日過。
洞幌鮮飈入。浮雲去欲窮。暮鳥飛相及。柔翰鎮芳塵。
清源非易揖。回江難絕濟。雲誰暢佇立。良宰勗夜漁。
出入事朝汲。積羽餘既裳。更賦子盈粒。椅梧何必零。歸來共棲集。

新治北窗和何從事詩

國小暇日多。民淳紛務屏。辟牖期清曠。開簾候風景。泱泱日照溪。團團雲去嶺。

岿嶷蘭橈峻。駢闐石路整。池北樹如浮。竹外山猶影。自來彌弦望。及君臨箕穎。

清文蔚且詠。微言超已領。不見城壕側。思君朝夕頃。回舟方在辰。何以慰延頸。

和王主簿季哲怨情詩

掖庭聘絕國。長門失歡宴。相逢詠靡蕪。辭寵悲團扇。花叢亂數蝶。風簾入雙燕。
徒使春帶賒。坐惜紅妝變。平生一顧重。宿昔千金賤。故人心尚爾。故心人不見。

和徐都曹出新亭渚詩

宛洛佳遨遊。春色滿皇州。結軫青郊路。回瞰蒼江流。日華川上動。

風光草際浮。桃李成蹊徑。桑榆蔭道周。東都已傲載。言歸望綠疇。

和劉中書繪人琵琶峽望積布磯詩

昔余侍君子。顧舐游荆漢。山川隔舊賞。朋僚多雨散。
圖南矯風翻。曾非息短翰。移疾觀新篇。披衣起淵翫。
惆悵懷昔踐。彷彿得殊觀。頽紫共彬駁。雲錦相凌亂。
奔星上未窮。驚雷下將半。回潮潰崩樹。輪囷軋傾岸。
岩筱或傍翻。石菌蕪修幹。澄澄明浦媚。衍衍清風爛。
江潭良在目。懷賢與累歎。歲暮不我期。淹留絕岩畔。

和蕭中庶直石頭詩

九河互積咀。三峯鬱旁眺。皇州總地德。回江欵岩徼。
井幹絕蒼林。雲薨蔽層嶠。川霞旦上薄。山光晚餘照。
翔集亂歸飛。虹蜺紛引曜。君子奉神略。瞰迥憑重峭。
彈冠已籍甚。升車益英妙。功存漢冊書。榮並周庭燎。
汲疾移偃息。董園倚談笑。麾旆一悠悠。謙姿光且劭。
燕嘉多暇日。興文起淵調。曰餘廁鱗羽。滅影從漁釣。
澤渥資投分。逢迎典待詔。詠沼邈含毫。專城空坐嘯。
徒慚皇鑒揆。終延曲士誥。方迫隱淪訣。偶解金丹要。
若偶巫鹹招。帝閭良可叫。

和王長史臥病詩

崑岫欵崇崖。派別朝洪河。兔園文雅盛。章台冠蓋多。
淵襟眷睿嶽。燮贊動眈歌。顧影慚駢服。載筆旅江沱。
縞衣分可獻。琴言暖已和。青皋側還色。春潤視生波。
岩垂變好鳥。松上改陳蘿。日與歲眇邈。歸恨積蹉跎。
願緝吳山杜。甯袂楚池荷。清風豈孤劭。功遂懷曾阿。
勿藥良有暢。荏苒芳未過。幸留清尊味。言藉故田莎。

和江丞北戍琅邪城詩

春城麗白日。阿閣跨層樓。蒼江忽渺渺。驅馬復悠悠。京洛多塵霧。
淮濟未安流。豈不思撫劍。惜哉無輕舟。夫君良自勉。歲暮勿淹留。

和沈祭酒行園詩

清淮左長薄。荒徑隱高蓬。回潮旦夕上。寒渠左右通。霜畦紛綺錯。秋町郁蒙茸。
環梨縣已紫。珠榴折且紅。君有棲心地。伊我歡既同。何用甘泉側。玉樹望青蔥。

奉和隨王殿下詩十六首

一

高秋夜方靜。神居肅且深。閑階塗廣露。涼宇澄月陰。嬋娟影池竹。
疏蕪散風林。淵情協爽節。詠言興德音。闇道空已積。幹直愧蓬心。

二

星回夜未央。洞房凝遠情。雲蔭滿池樹。中月懸高城。
喬木含風霧。行雁飛且鳴。平臺盛文雅。西園富羣英。
芳慶良永矣。君王嗣德聲。眷此伊洛詠。載懷汾水情。
顧已非麗則。恭惠奉仁明。觀淄詠已失。憮然愧簪纓。

三

神心遺魏闕。中想顧汾陽。肅景懷辰豫。捐玦翦山楊。
時惟清夏始。雲景曖含芳。月陰洞野色。日華麗池光。
草含亭皋遠。霞生川路長。端坐聞鶴引。靜瑟愴復傷。
懷哉泉石思。歌詠鬱瓊相。春塘多迭駕。言從伊與商。
袞職眷英覽。獨善伊何忘。願輟東都遠。弘道侍雲梁。

四

睿心重離析。歧路清江隈。四面寒飈舉。千里白雲來。川長別管思。
地迥翻旗回。還顧昭陽闕。超遠章華台。置酒巫山日。為君停玉杯。

五

桂樓飛絕限。超遠向江歧。輕雲霽廣甸。微風散清漪。連連絕鷹舉。渺渺青煙移。
嚴城亂芸草。霜塘凋素枝。氣爽深淫矚。豫永聊停曦。即已終可悅。盈尊且若斯。

六

念深沖照廣。業闡清化玄。端儀穆金殿。敷教藻瓊筵。船湛輕帷藹。
磬轉芳風旋。卷轡棲道樹。方津棹法舷。歸興憑大造。昭塗良易筌。

七

玄冬寂修夜。天圍靜且開。亭皋霜氣愴。松宇清風來。
高琴時以思。幽多多感懷。幸藉汾陽想。嶺首一些徘徊。

八

愴愴緒獨興。祁祁族雲布。嚴氣集高軒。稠陰結寒樹。
日月謬論思。朝夕承清豫。徒藉小山文。空揖章台賦。

九

肅景遊清都。修簪侍蘭室。累榭疎遠風。度庭麗朝日。
穆穆神儀靜。悒悒道言密。一飡擊靈表。無吝科年曆。

十

清房洞已靜。閑風伊夜來。雲生樹陰遠。軒廣月容開。
宴私移燭飲。遊賞藉琴台。風猷冠淄鄴。衽烏愧唐枚。

十一

方池含積水。明月流皎鏡。規荷承日滋。影鱗與風泳。
上善葉淵心。止川測動性。幸是方春來。側點游濠盛。

十二

浮雲西北起。飛來下高堂。合散輕帷表。飄舞桂台陽。
遙階收委羽。平地如夜光。眷言金玉照。顧慚蘭蕙芳。

十三

炎光缺獨雅。宗霸拯時倫。龍德待雲霧。令圖方再晨。
歲遠荒城思。霜華宿草陳。英威遽如是。徘徊歧路人。

十四

分悲玉瑟斷。別緒金樽傾。風入芳帷散。缸華蘭殿明。
想折中園草。共知千里情。行雲故鄉色。贈此一離聲。

十五

年華豫已滌。夜艾賞方融。新萍時合水。羽草未勝風。
閨幽瑟易響。台迥月難中。春物廣餘照。蘭萱佩未窮。

十六

連漪映餘雪。嚴城限深霧。清寒起洞門。東風急池樹。
神居望已肅。徘徊舉沖趣。棲歸如遲詠。丘山不可屢。
金液稱九轉。西山歌五色。煉質乃排雲。濯景終不測。
雲英誰可餌。且駐羲和力。能令長卿臥。暫故遇真識。

和王中丞聞琴詩

涼風吹月露。圓景動清陰。蕙風入懷抱。聞君此夜琴。
蕭瑟滿林聽。輕鳴響澗音。無為澹容一下。蹉跎江海心。

贈王主簿詩二首

一

日落窗中坐。紅妝好顏色。舞衣襞未縫。流黃覆不織。
蜻蛉草際飛。遊蜂花上食。一遇長相思。願寄連翩翼。

二

清吹要碧玉。調弦命綠珠。輕歌急綺帶。含笑解羅襦。
余曲詎幾許。高駕且踟躕。徘徊。韶景慕景暮。惟有洛城隅。

和別沉右率諸君詩

春夜別清樽。江潭復為客。歎息東流水。如何故鄉陌。
重樹日芬洲轉如積。望望荆台下。歸夢相思夕。

離夜詩

玉繩隱高樹。斜漢耿層台。離堂華燭盡。別幌清琴哀。
翻潮尚知恨。客思眇難裁。山川不可盡。況朶故人杯。

將發石頭上烽火樓詩

徘徊戀京邑。躑躅躡曾阿。陵高遲關近。眺迥風雲多。
荆吳阻山岫。江海含瀾波。歸飛無羽翼。其如離別何。

望三湖詩

積水照頽霞。高臺望歸翼。平原周遠近。連汀見紆直。
葳蕤向春秀。芸黃共秋色。薄暮傷哉人。嬋媛復何極。

送江水曹還遠館詩

高館臨荒途。清川帶長陌。上有流思人。關卡是望歸客。
塘邊草雜紅。樹際花猶白。日暮有重城。何由盡離席。

臨溪送別詩

悵望南浦詩。徙倚北梁步。葉上涼風初。日隱輕霞暮。
荒城迥易陰。秋溪廣難渡。沫泣豈徒然。君子行多露。

後齋回望詩

高軒瞰四野。臨牖眺襟帶。望山白雲裏。望水平原外。
夏木轉成帷。秋荷漸如蓋。鞏洛常睠然。搖心片懸旆。
山中上芳月。故人清樽賞。遠山翠百重。回流映千丈。

花枝聚如雪。蕪絲散猶網。別後能相思。何嗟異封壤。

祀敬亭山廟詩

翦削兼太華。崢嶸跨玄圃。貝闕視阿宮。薜帷陰網戶。
參差時未來。徘徊望豐浦。椒糲若馨香。無絕傳終古。

出下館詩

麥候始清和。涼雨銷炎燠。紅蓮搖羽苻。丹藤繞新竹。
方駕娛耳目。零落既難留。何用存華屋。

落日同何儀曹煦詩

參差複殿影。氛氳綺羅雜。獨入天淵池。芰荷搖複合。
遠聽雀聲聚。回望樹陰逕。一賞桂尊前。寧傷蓬鬢颯。

夜聽妓詩二首

一

瓊閨釧響聞。瑤席芳塵滿。要取洛陽人。共命江南管。
情多舞態遲。意傾歌弄緩。知君密見親。寸心傳玉盃。

二

上客光四座。佳麗直千金。掛釵報纓絕。墮珥答琴心。
蛾眉已共笑。清香復入襟。歡樂夜方靜。翠帳垂沉沉。

詠薔薇詩

低枝詎勝葉。輕香幸自通。發萼初攢紫。余采尚霏紅。
新花對白日。故蕊逐行風。參差不俱曜。誰肯盼薇叢。

送江兵曹檀主簿朱孝廉還上國詩

方舟泛春渚。攜手趨上京。安知慕歸客。詎憶山中情。
香風藥上發。好鳥葉間鳴。揮袂送君已。獨此夜琴聲。

詠蒲詩

離離水上蒲。結水散為珠。間廁秋菡萏。出入春鳧雛。
初萌實雕俎。暮蕊雜椒塗。所悲塘上曲。遂鑠黃金軀。

詠兔絲詩

輕絲既難理。細縷竟無織。爛熳已萬條。連綿複一色。

安根不可知。縈心終不測。所貴能卷舒。伊用蓬生直。

遊東堂詠桐詩

孤桐北窗外。高枝百尺餘。葉生既婀娜。葉落更扶疏。
無華復無實。何以贈離居。裁為珪與瑞。足可命參墟。

鏡臺

玲瓏類丹檻。苔亭似玄闕。對鳳懸清冰。垂御覽作乘。龍掛明月。
照粉拂紅妝。插花理雲發。玉顏徒自見。常畏君情歇。

燈

發翠斜溪裏。蓄寶宕山峯。抽莖類仙掌。銜光似燭龍。
飛蛾再三繞。輕花四五重。孤對相思夕。空照舞衣縫。

燭

杏梁寶未散。桂宮明欲沉。暖色輕幃裏。低光照寶琴。
徘徊雲髻影。的爍綺疏金。恨君秋月夜。遺我洞房陰。

同詠樂器·琴

洞庭風雨幹。龍門生死枝。雕刻紛布濩。沖響郁清危。
春風搖蕙草。秋月滿華池。是時操別鶴。淫淫客淚垂。

同詠坐上玩器·烏皮隱幾

蟠木生附枝。刻削豈無施。取則龍文鼎。三趾獻光儀。
勿言素韋潔。白沙尚推移。曲躬奉微用。聊承終宴疲。

同詠坐上所見一物·席

本生潮汐池。落景照參差。汀洲蔽杜若。幽渚奪江蘼。
遇君時採擷。玉座奉金卮。但願羅衣拂。無使素塵彌。

詠竹火籠

庭雪亂如花。井冰粲成玉。因炎入貂袖。懷溫奉芳褥。體密用宜通。
文邪性非曲。本自江南墟。女便娟修且綠。暫承君玉指。請謝陽春旭。

詠鸚鵡

蕙草含初芳。瑤池暖晚色。得廁鴻鶯影。晞光弄羽翼。

至尋陽詩

過客無留軫。馳暉有奔箭。

詩

夜條風淅淅。晚葉露淒淒。

阻雪連句遙贈和

積雪皓陰池。北風鳴細枝。九逵密如繡。何異遠別離。
風庭舞流霰。冰沼結文澌。飲春雖以燠。欽賢紛若馳。
珠囊條間響。玉溜簷下垂。杯酒不相接。寸心良共知。
飛雲亂無緒。結冰明曲池。雖乖促席燕。白首信勿虧。
飄素瑩簷溜。岩結噎通峯。罇罍如未澣。況乃限首儀。
原隰望徒倚。松筠竟不移。隱憂憇萱樹。忘懷待山巵。
初昕逸翮舉。日昃驚馬疲。幽山有桂樹。歲暮方參差。

還塗臨渚

綠水纈清波。青山繡芳質。落景皎晚陰。殘花綺餘日。白沙澹無際。青山眇如一。
傷此物運移。惆悵望還律。白水田外明。孤嶺松上出。即趣佳可淹。淹留非下秩。

蘭亭仰遠風。芳林接雲嶠。傾葉順清飈。修莖佇高鶴。連綿夕雲歸。曖曖日將落。
寸陰不可留。蘭墀豈停酌。丹纓猶照樹。綠筠方解籜。永志能兩忘。即賞謝丘壑。

閑坐

雨洗花葉鮮。泉漫芳塘溢。藉此閑賦詩。聊用蕩羈疾。
霖霖微雨散。葳蕤蕙草密。預藉芳筵賞。沾生信昭悉。
紫葵窗外舒。青荷池上出。既闔潁川扉。且臥淮南秩。
流獨蕩晚陰。行雲掩朝日。念此蘭蕙客。徒有芳菲質。

侍筵西堂落日望鄉

沉病已綿緒。負官別鄉憂。高城淒夕吹。時見國煙浮。
漠漠輕雲晚。颯颯高樹秋。鄉山不可望。蘭卮且獻酬。
旻高識氣迥。泉渟知潦收。幸遇慶筵渥。方且沐恩猷。
芸黃先露早。騷瑟驚暮秋。舊城望已肅。況乃客悠悠。

往敬亭路中

山中芳杜綠。江南蓮葉紫。芳年不共遊。淹留空若是。
綠水豐漣漪。青山多繡綺。新條日向抽。落花紛已委。
弱蔓既青翠。輕莎方靄靡。鷺鳴沒而遊。麋鹿加勝復倚。
春岸望沉沉。清流見彌彌。幸藉人外遊。盤桓未能徙。

鷲柁把瓊芳。隨山訪靈詭。榮楯每嶙峋。林堂多碣礧。

祀敬亭山春雨

水府眾靈出。石室寶圖開。白雲帝鄉下。行雨巫山來。歌風贊靈德。舞蹈起輕埃。高軒乍留吹。玄羽或徘徊。福降羣仙下。識逸百神該。青鳥飛層隙。赤鯉泳瀾隈。

齊雩祭歌八首

迎神

一

清明暢。禮樂新。候龍景。練貞辰。

二

陽律亢。陰晷伏。耗下土。薦種稷。

三

宸儀警。王度幹。嗟雲漢。望昊天。

四

張盛樂。奏雲儻。集五精。延帝祖。

五

雩有諷。禋有秩。營鬯芬。圭瓚瑟。

六

靈之來。帝闔開。車煜耀。吹徘徊。

七

停龍車。羲徧觀此。凍雨飛。祥雲靡。

八

壇可臨。奠可歆。對眈祉。鑒皇心。

世祖武皇帝

浚哲維祖。長髮其武。帝出自震。重光禦宇。七德攸宣。九疇鹹敘。靜難荆衡。凝威蠡浦。昧旦丕承。

夕惕刑政。化一車書。德馨粢盛。昭星夜景。非雲曉慶。衢。室成陰。璧水如鏡。禮充玉帛。樂被匏弦。

於鑠在詠。陟配於天。自宮徂兆。靡愛牲牷。我將我享。永祚豐年。

青帝

一

營翼日。鳥殷宵。凝冰泮。玄蟄昭。

二

景陽陽。風習習。女夷歌。東皇集。

三

奠春酒。秉青珪。命田祖。渥羣黎。

赤帝

一

惟此夏德德恢台。兩龍在禦炎精來。

二

火景方中南訛秩。靡草雲黃含桃實。

三

族雲蔚郁溫風扇。興雨祁祁黍苗徧。

黃帝

一

稟火自高明。毓金挺剛克。涼燠資成化。羣芳載厚德。

二

陽季勾萌達。炎徂溽暑融。商暮百工止。歲極凌陰冲。

三

泉流疏已清。原隰甸已平。鹹言祚惟億。敦民保齊京。

白帝

一

帝說於兌。執矩固司藏。百川收潦。精景應金方。

二

嘉樹離披。榆關命賓鳥。夜月如霜。金風方嫋嫋。

三

商陰肅殺。萬寶鹹已適。勞哉望歲。場功冀可收。

黑帝

一

白日短。玄夜深。招搖轉。移太陰。霜鐘鳴。冥陵起。星回天。月窮紀。

二

聽巖風。來不息。望玄雲。黝無色。曾冰烈。積羽幽。飛雪至。天山側。

三

關梁閉。方不巡。合國吹。饗蠟賓。統微陽。究終始。百禮洽。萬祚臻。

送神

一

敬如在。禮將周。神之駕。不少留。

二

三

警七曜。詔八神。排閭闔。渡天津。

四

有滄興。虜寸積。雨冥冥。又終夕。

五

牌棲糧。維萬箱。皇情暢。景命昌。

全書字數：13,591 字